

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 08.11.2017թ. թիվ 1707070630 որոշումն անփոփոխ, իսկ վարչական բողոքն առանց բավարարման թողնելու մասին

<<25>> 12 2017թ. 12-4-24811-12/12-4-1553

ք.երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով հաջիկ Ավդալյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Արմավիր քաղաքի Սահմանապահների փողոցի 47-րդ շենքի 13-րդ բնակարանի բնակիչ հաջիկ Ավդալյանը դիմումով իր անհամաձայնությունն է հայտնել Ճանապարհային ոստիկանության վարչական տույժ նշանակելու մասին 08.11.2017թ. թիվ 1707070630 որոշմանը՝ նշելով, որ կանգառ կատարելու կանոնները խախտել է՝ կապված իր առողջական վիճակի հանկարծակի վատթարացման հետ:

Դիմումի քննարկման արդյունքում պարզվել է, որ դիմումատուի փաստարկը վարչական ակտը թեկանելու հիմք չի կարող հանդիսանալ՝ հետևյալ պատճառաբանությամբ.

Դիմումատուն ըստ էության ընդունում է Ճանապարհային ոստիկանության վարչական տույժ նշանակելու մասին 08.11.2017թ. թիվ 1707070630 որոշման իրավաչափությունը և այն վիճարկում է միայն իրավախախտումը ծայրահեղ անհրաժեշտության վիճակում կատարած լինելու հիմքով:

<<Վարչարարության հիմունքների և վարչական վարույթի մասին>> ՀՀ օրենքի 43-րդ հոդվածի 1-ին մասի համաձայն՝ անձի և վարչական մարմնի փոխհարաբերություններում ապացուցման պարտականությունը կրում է՝

ա) անձը՝ նրա համար բարենպաստ փաստական հանգամանքների առկայության դեպքում,

բ) վարչական մարմինը՝ անձի համար ոչ բարենպաստ փաստական հանգամանքների առկայության դեպքում:

Վարչական իրավախախտումների վերաբերյալ ՀՀ օրենսգրքի 17-րդ հոդվածի համաձայն՝ դիմումատուի կողմից թույլ տրված վարչական իրավախախտումը կարող է համարել ծայրահեղ անհրաժեշտության վիճակում կատարված, եթե այն կատարել է մի այնպիսի վտանգ վերացնելու համար, որը տվյալ հանգամանքներում չէր կարելի վերացնել այլ միջոցներով:

Դիմումատուի կողմից նշված պատճառները չեն կարող հիմք հանդիսանալ տրանսպորտային միջոցի վարորդի կողմից ճանապարհային երթևեկության կանոնների խախտում թույլ տալու համար, նման հիմքեր նախատեսված չեն որևէ իրավական ակտով, այլ ապացույցներ չեն ներկայացվել:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1.Ճանապարհային ոստիկանության վարչական տույժ նշանակելու մասին 08.11.2017թ. թիվ 1707070630 որոշումը թողնել անփոփոխ, իսկ վարչական բողոքն առանց բավարարման:

2.Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

3.Սույն որոշման օրինակն ուղարկել հաջիկ Ավդալյանին և ՃՈ ՏՄՀԽԱ կենտրոն:



Ե.Կարապետյան